

**SAKELYS VAN DIE 92STE SINODEVERGADERING VAN DIE NG KERK IN KZN  
OP 9 OKTOBER 2007 VANAF 08:15  
BY DIE SINODALE SENTRUM TE PIETERMARITZBURG**

## Inhoudsopgawe

|  |   |
|--|---|
| 1. Registrasie.....                                | 2 |
| 2. Verwelkoming.....                               | 2 |
| 3. Konstituering.....                              | 2 |
| 4. Liturgie in die lig van die luisterseisoen..... | 2 |
| 5. Konsultasiegesprekke: kerkhereniging.....       | 2 |
| 6. Ontwikkeling: Sentrum.....                      | 5 |
| 6.1 Agtergrond.....                                | 5 |
| 6.2 Ondersoek.....                                 | 5 |
| 6.3 Aanbevelings.....                              | 6 |
| 7. Art 44.1.....                                   | 7 |
| 8. Sinergeringsvergadering.....                    | 8 |
| 9. Afsluitingsliturgie.....                        | 8 |

## VERKLARING

### VAN DIE NG KERK IN KWAZULU-NATAL

(uitgereik deur die Afgevaardigdes na die Sinodevergadering van 2003)

As afgevaardigdes van die NG Gemeentes in KZN getuig ons van ons roeping om God in 'n stukkende wêreld te verteenwoordig en bekend te maak. Ons wil ook van die hoop wat in ons leef getuig en dit sigbaar wys veral op sosiaal-maatskaplike vlak. In KZN spreek armoede (werkloosheid), MIV/VIGS en geweld (misdaad) ons huidiglik die meeste aan.

Ons verbind ons daarom om:

- 1 gehoorsaam aan Christus wat regeer, doelgerig verder betrokke te raak by die gevolge en problematiek van armoede, MIV/VIGS en geweld, asook die oplossings daarvan;
- 2 as liggaam van Christus saam betrokke te raak deur die mense, middele, gawes, kommissies en meganismes wat die Here ons genadiglik in die NG Kerk van KZN geskenk het, aan te wend;
- 3 in vennootskap met die Here se ander kinders, naamlik die VGKSA, RCA, ander kerke en ander rolspelers effektief betrokke te raak by genoemde nood;
- 4 die stem en voorbeeld van ons Here Jesus Christus gehoorsaam te volg, veral deur die wat geen hoop meer het nie, innig jammer te kry en te dien met die Woord van woorde en daede.

Aan Hom wat magtig is om oneindig meer te doen as waarvoor ons kan bid en waaraan ons kan dink, aan Hom kom die eer toe in die kerk van KZN.

## VISIE

(In lig van die roeping, asook Verklaring van 2003 Sinode)

**Ons sien die NG Kerk in KZN binne vyf jaar as 'n  
hegte familie wat mekaar ken en mekaar bystaan om met Woord en daad Christus sigbaar te maak,  
wat erns maak met die herenigingsproses,  
wat saam met die uitgebreide familie van kerke werk aan een Christelike getuienis,  
wat betrokke is by die uitdagings van armoede, MIV/VIGS en misdaad.**

## 1. REGISTRASIE

- 1.1 **Geloofsbriewe** van gemeentes wie se afvaardiging verskil van dié van 2005 moet die Sinodale Kantoor bereik voor 25 September 2007. In buitengewone omstandighede kan laat geloofsbriewe by die SRK ingehandig word voor 08:30 op 9 Oktober in lokaal G3.
- 1.2 Afgevaardigdes **registreer** vanaf **08:15 – 08:45** by die ring se tafel in die voorportaal op 9 Oktober 2007. Dis belangrik dat afgevaardigdes voor 08:45 aanmeld omdat die presensielys nog voor 09:00 deur die SRK gekontroleer moet word met die oog op die konstituering.

## 2. VERWELKOMING

## 3. KONSTITUERING

## 4. LITURGIE IN DIE LIG VAN DIE LUISTERSEISOEN

## 5. KONSULTASIEGESPREEKE: KERKHERENIGING

- 5.1 Die Achterbergh II Verklaring is vanaf die Algemene Sinode ontvang en vorm die basis van die konsultasiegesprekke:

### Achterbergh II-dokumente: Kerkhereniging

Nota: Die dokumente hieronder oor die Konfessionele Basis en die Model is die volledige Achterbergh II-dokumente. Die oor Gesamentlike Projekte en Versoening is in opgesomde vorm: die volledige langer dokumente is te vind in die Aanvullende Sakelys van die Algemene Sinode 2007

## 1. KONFESSIELE BASIS

Die volgende is aanvaar as die eerste punte van konsensus tussen die vier kerke:

1. Belhar moet nie 'n voorwaarde vir kerkeenheid wees nie.
2. Gesprek tussen die vier kerke word voortgesit met die oog daarop om ooreenkoms te bereik oor die Bybelse inhoud van Belhar en om 'n gesamentlike kommentaar daarop te skryf. Dit sal dit moontlik maak dat die Bybelse inhoud van Belhar in 'n nuwe kerkverband gepreek, onderrig en in die bediening gebruik kan word.
3. In die vorming van 'n nuwe kerkverband moet die belydenisgrondslag al vier kerke, sinodes en gemeentes akkommodeer sonder om enigiemand te forseer om Belhar te aanvaar of daarvan afstand te doen.
4. Die waarde wat Belhar as 'n belydenis vir die VGKSA het, word respekteer.

Die volgende punte gee konsensus tussen die VGKSA en die NG Kerk weer. Die RCA en die NGKA is gewillig om dit te oorweeg nadat deelgeneem is aan die proses in punt 2 hierbo ooreengekom:

5. In 'n nuwe kerkverband word Belhar as vierde belydenisskrif in die belydenisgrondslag ingesluit, maar dit sal nie van leraars of lidmate wat nie gereed of gewillig is, verwag word om dit te onderskryf (aanvaar) as 'n belydenisskrif nie.
6. Die groei na 'n volle aanvaarding van Belhar is 'n integrale deel van die prosesse van die nuwe kerkverband.

## 2. MODEL

Konsensus is bereik ten opsigte van die volgende voorlegging:

1. **As 'n Bybelse kerk van Jesus Christus** verstaan ons dat die plaaslike kerk ten volle kerk van God is, maar dat dit nooit as kerk in isolasie bestaan nie. In ons gereformeerde tradisie word hierdie beginsel uitgedruk in die eenheid en gemeenskap (kerkverband) met mekaar. Dit is iets wat altyd 'n prioriteit vir plaaslike gemeentes moet wees. Ons bely dat ons mekaar nodig het om ook op plaaslike vlak ten volle kerk van God te wees, en dat dit gereflekteer moet word in die model van 'n nuwe kerkverband.
2. Soos dit 'n gereformeerde kerk hoort, is **gemeentes** regspersone in sigself en **behou hulle verantwoordelikheid** met betrekking tot besluitneming en bediening. 'n Algemene Sinode skryf nie aan gemeentes voor hoe hulle hul bediening uitvoer nie.
3. Gemeentes sal aangemoedig word en **gehelp word om op plaaslike vlak in eenheid na mekaar te groei**, en waar hulle dit so verkies selfs een struktuur te vorm. Hulle sal nie in een struktuur forseer word nie. Daar sal 'n spesifieke en voortgaande program in die nuwe kerkverband wees om gemeentes in die verband by te staan.

4. Ons is dit met mekaar eens dat ons een **nuwe Algemene Sinode** moet vorm. Die bevoegdhede van die Algemene Sinode sal onder andere wees om besluite te neem oor moontlik die volgende sake:
- Leerstellige sake (Dit verwys na belydenismatige en etiese sake. Die wyse waarop die Algemene Sinode met hierdie sake handel, moet deur die Algemene Sinode self besluit word)
  - Teologiese opleiding
  - Bybelvertaling
  - Liedboeke
  - Beleid aangaande .... (bv MIV/Vigs, ens)
  - Kerkorde
  - Ekumeniese verhoudings
  - Kerk en Staat
  - Kommunikasie en Media
  - (Die spesifieke lys moet gefinaliseer word voordat finaal na gemeentes gegaan word vir goedkeuring soos voorgestel word in punt 7)
5. Hierdie een Algemene Sinode moet deel wees van 'n organiese model van eenheid waar werklike eenheid reflekteer word in alle strukture, dus ook op die vlak van streeksinodes, ringe en uiteraard ook gemeentes op die basis van punte 2 en 3 hierbo. Ons verstaan dat die beste regsgevaldige manier om een kerkverband te vorm, is dat as 'n begin een nuwe Algemene Sinode deur die bestaande Algemene Sinodes gevorm word. Wat dan moet volg, as 'n noodsaaklike deel van die proses, is 'n organiese en vrywillige proses waarin streeksinodes en ringe nuwe streekstrukture vorm op 'n manier soos voorgestel deur die nuwe Kerkorde van die nuwe Algemene Sinode. Streeksinodes en ringe word aangemoedig om, selfs voor die nuwe Algemene Sinode konstitueer, gesprek en onderhandeling te begin oor hoe nuwe streekstrukture gevorm kan word.
6. Dit staan streeksinodes en ringe wat gereed en bereid is vry om nou reeds een sinode of ring te vorm alhoewel hulle voor die konstituering van 'n nuwe kerkverband elkeen ook steeds aan hulle eie kerkverbande behoort. Die bestaande Bepalings in die onderskeie Kerkordes word gebruik vir die vorming van hierdie eenheidstrukture.
7. Al vier die kerke begin 'n proses om die toestemming van al die gemeentes van die kerk te verkry (op die presiese manier soos voorgeskryf in die Kerkorde van die spesifieke kerk) vir die volgende:
- 7.1 die vorming van 'n nuwe Algemene Sinode as uitdrukking van 'n nuwe kerkverband;
- 7.2 die formulering van die belydenisgrondslag vir die nuwe kerkverband (omdat die nuwe Algemene Sinode 'n belydenisgrondslag moet hê);
- 7.3 om wysiginge aan die bestaande Kerkordes goed te keur wat benodig word vir die vorming van 'n nuwe kerkverband;
- 7.4 om goed te keur dat, na die vorming van 'n nuwe Algemene Sinode, daar 'n proses volg waarin die streeksinodes en ringe betrokke raak in vrywillige prosesse wat uitdrukking gee aan die die een kerkverband op hulle onderskeie terreine;
- 7.5 die naam van die nuwe kerkverband;
- 7.6 die posisie van gemeentes met betrekking tot die bediening, eiendom, ens (vgl punte 1-3 hierbo)
- 7.7 dat daar ruimte behoort te wees vir assosiasie-lidmaatskap (*Moet nog verder bespreek word*).
8. Die vier aktuarie van die vier Algemene Sinodes vorm 'n Taakspan om die bestaande Kerkordes te evalueer en 'n proses te begin om hulle op die korrekte wyse te wysig ten einde so 'n proses moontlik te maak.
9. Ons is dit eens dat ons die **moontlikheid van assosiasie-lidmaatskap** verder moet bespreek. Die rede hiervoor is dat ons glo eenheid moet nie eksklusief wees nie, maar so inklusief as moontlik. Hierdie is 'n praktyk wat ook in ander gereformeerde kerke gevolg is, byvoorbeeld onlangs in die *Protestantse Kerk in Nederland*. Ons moet nog die detail en praktiese implikasie hiervan navors. Hierdie kategorie wil ruimte skep vir kerke wat wil deel word van die herenigde kerk, maar om verskeie redes nie gereed is om ten volle deel te wees van die nuwe kerkverband nie. Indien ons so 'n kategorie skep, is dit vanselfsprekend met die hoop dat assosiasie-lede met verloop van tyd sal groei tot volle eenheid.
10. Daar is **ander kerke** wat aangedui het dat hulle **geïnteresseerd is in ons eenwordingsproses**. Ons beveel aan dat die Interimkomitee hulle ontmoet en hulle inlig oor waar ons op die oomblik in ons proses is.
- Vir verdere bespreking
11. Daar is lede wat aangedui het dat dit hulle sou help indien daar in die model van die herenigde kerk ruimte gemaak sou kon word dat hulle sommige van hulle huidige strukture kan behou terwyl hulle ook ten volle deel is van alle nuwe strukture. Ons wil verdere gesprek met kerke of sinodes hê wat baie sterk voel tov hierdie behoefte. Soos hierbo gestel, wil ons hê dat eenheid so inklusief as moontlik sal wees. Ons wil daarom werklike behoeftes tegemoet kom, maar vanselfsprekend nie op so 'n manier dat dit die eenheid in gevaar stel of verdelings van die verlede voortsit nie.
12. Duidelikheid moet verkry word oor hoe die sake wat in punte 5, 6 en 7.4 behandel is in die praktyk sal werk.

### 3. GESAMENTLIKE PROJEKTE

1. Die vier kerke doen soveel as moontlik goed op alle vlakke saam met mekaar.
2. Die volgende *waardes* behoort ernstig geneem te word in gesamentlike projekte tussen die vier kerke:
  - 2.1 Kerkeenheid is 'n proses
  - 2.2 Dit sal tyd neem. Ons moet geduld met mekaar ontwikkel.
  - 2.3 Dit is 'n proses wat van "bo" en "onder" moet geskied.
  - 2.4 Gebed is onverhandelbaar in die proses.
  - 2.5 Wat ook al gedoen word, moet tot voordeel van die plaaslike gemeentes wees.
3. Die Interimkomitee stel 'n sentrale kantoor/sekretariaat daar wat die hele proses kan administreer, befonds en begelei.
4. Gesamentlike projekte moet in die nouste samewerking met streeksinodes geskied en desentralisasie van werksaamhede moet waar moontlik plaasvind.
5. Die sekretariaat moet so gou as moontlik vertalingstoerusting bekom wat vertaling tydens gesamentlike vergaderings moontlik sal maak en elke lid die ruimte sal laat om in sy of haar moedertaal te kommunikeer.
6. Hierdie kantoor moet so spoedig moontlik een kommunikasienetwerk/-stelsel daar stel wat sal seker maak dat almal (tot die kleinste gemeente in die mees afgeleë konteks) op die hoogte met verwickelinge bly.
7. Daar moet so spoedig moontlik ten minste tien klein nuwe loodsgemeentes oor die hele land gevestig word wat die hele droom van 'n versoenende geloofsgemeenskap, wat hoop vir Suid-Afrika kan bring, sal modelleer.
8. Daar moet gewerk word aan die totstandkoming van gespreksgroepe, bestaande uit lede van die verskillende kerke, waar lidmate mekaar beter sal leer ken.
9. Die relevante diensgroepe begin werk aan gesamentlike liturgiese materiaal (byvoorbeeld liederebundels) en katesesemateriaal.
10. 'n Gesamentlike teologiese werkgroep word in die lewe geroep wat gesamentlik oor die teologiese beginsels van eenheid, versoening en geregtigheid besin en die kerk daarin begelei.
11. 'n Gesamentlike werkgroep word in die lewe geroep wat besin oor ekonomiese en sosiale sake wat die verskillende kerke raak.
12. 'n Gesamentlike en onafhanklike trustfonds word geskep wat die hele proses kan befonds en nie verdere druk op die sinodale sisteme plaas nie.
13. Lede van die teologiese fakulteite word so ver as moontlik by bogenoemde prosesse betrek.

### 4. VERSOENING

1. 'n Proses word van stapel gestuur wat gerig is op die versoening tussen vervreemde lidmate, gemeentes of ander liggame van die NG Kerk-familie. Die beoogde uitkomst is om 'n versoeningsproses in alle areas binne die NG Kerk-familie te koester. 'n Spesifieke fokus is al die dispute wat ontstaan het tussen die NGKA en VGKSA primêr in die Vrystaat en Phororo en die persepsies van moontlike NG Kerk-betrokkenheid.
2. 'n Kommissie word benoem om die proses te bestuur (Sien die volledige dokument vir samestelling).
3. Die beoogde proses verloop soos volg:
  - Die proses sal afskop met 'n korttermyn-loodsprojek om die geloofwaardigheid van die versoeningskommissie te bepaal en die formaat van die kommissie se handelinge te verfyn.
  - Die kommissie sal prioriteit verleen aan plekke waar hofgedinge oor eiendom ingestel is.
  - Die kommissie kan 'n navorser (of 'n span) kontrakteer om 'n gesamentlike geskiedenis oor die vervreemding tussen die kerke te skryf (die groter prentjie).
  - Die kommissie kan ook 'n konsultant(e) kontrakteer om met die proses behulpsaam te wees.
  - Al vier kerke van die NG Kerk-familie sal by die versoeningsproses betrokke wees, maar primêr die NGK, NGKA en VGKSA.
  - Al drie kerkrade op 'n plek waar daar spanning of 'n geding aan die gang is, sal voorleggings maak aan die versoeningskommissie wat hulle in staat sal stel om na maniere vir versoening in daardie plaaslike konteks te soek.
  - Die doel van die kommissie is om 'n mediërende rol te speel, magstryde te ontloot en om te poog om 'n verdere spanningsopbou te voorkom.

4. Die doelwitte van die proses is:
- Korttermyn doelwitte:
    - a) om 'n responsspan daar te stel (moderators van al vier kerke, met sekundi) om brandpunte te besoek indien nodig;
    - b) om goedkeuring vir die proses van al vier kerke te verkry.
  - Mediumtermyn doelwit: om die loodsprojek teen September 2007 te voltooi.
  - Langtermyn doelwitte:
    - a) om sittings op alle plekke te voltooi waar daar spanning is tussen die VGKSA, NGK en die NGKA;
    - b) om 'n omvattende verslag oor die proses teen die einde van 2008 (met 'n verlengingstydperk indien nodig) te produseer.
5. Die Gesamentlike Herenigingskommissie (Achterbergh) sal verantwoordelikheid neem vir die werk van die kommissie en sy Interimkomitee sal gereelde verslae van die kommissie ontvang.
6. Die voortgaande versoeningsproses moet breed genoeg wees om 'n gesamentlike benadering tot kwessies soos grondhervorming, misdaad, armoede en sosio-ekonomiese geregtigheid te bevorder.
7. Met spesiale verwysing na die kwessie wat met die eiendomme in die Vrystaat en Phororo verband hou, word die volgende reëling getref:
- Die NG Kerk in Afrika sal 'n dokument opstel gerig aan die VGKSA oor die kwessie van waarheid en geregtigheid. Dit sal ook aan die ander twee kerke beskikbaar gestel word.
  - 'n Respons uit hierdie dokument sal tot mediasie aanleiding gee sodat die huidige konflik oor eiendomme op 'n regverdigde manier bygelê kan word.
  - Die proses van eenheid en versoening, asook waarheid en geregtigheid, moet gelyklopend met die oorhoofse herenigingsproses wees.

5.2 Die Moderamen het vir dr Theunissen gevra om die konsultasiegesprek te fasiliteer. Hy kan ook ander fasiliteerders gebruik.

6.1.6 Die SOK het toe besluit om verkieslik self die ontwikkeling, saam met die KZN CMD te doen. Hulle het 'n werkgroep aangestel om 'n ondersoek te doen. Die lede van die werkgroep was Ds Ben van Dyk (sameroeper), dr Botha van Aarde, ds Philip Meyer, ds Loffie Schoeman, mnr Frans Lombard, mnr Jan de Wet, mev Belinda Bouwer en mev Marinda Meyer.

## 6. ONTWIKKELING: SENTRUM

### 6.1 Agtergrond

6.1.1 Die Pietermaritzburg Chamber of Business (PCB) het die SOK genader vir kantoorruimtes. Hulle stel daarmee saam ook belang om die bestuur van die konferensiefasiliteite oor te neem

6.1.7 Die opdrag aan die Werkgroep was om alle moontlikhede na die ontwikkeling van die Sinodale Sentrum te ondersoek.

6.1.2 Die gedagte het toe ontstaan om die Sinodale Sentrum verder te ontwikkel. Sodanige ontwikkeling kan in die langtermyn tot voordeel van die Sinode en gemeentes wees. Die behoefte aan 'n sinodesaal wat terselfdertyd as 'n funksiesaal gebruik kan word, bestaan ook.

6.1.3 Die ontwikkeling van kantoorruimtes en 'n saal kan op die langtermyn 'n goeie inkomste aan die Sinode bied, wat weer gebruik kan word om Sinodale Bydraes te verminder.

6.1.4 Aanvanklik het die SOK Dagbestuur aanbeveel dat die PCB self die ontwikkeling doen in ruil vir die gratis gebruik van die ruimtes vir 'n tydperk van 10-20 jaar.

6.1.5 Die CMD het intussen aangedui dat hulle 'n behoefte het aan kantoorruimtes. Hulle het by die Lotto aansoek gedoen vir finansiering van die projek.

### 6.2 Ondersoek

6.2.1 Om 'n behoorlike ondersoek te doen, was dit nodig om 'n argitek, ingenieur en bourekenaar aan te stel.

6.2.2 Kwotasies van twee argitekte is verkry en GSP Argitekte van Pietermaritzburg (mnr Karl Wildner) is aangestel nadat hulle hulle tariewe verminder het.

6.2.3 'n Ooreenkoms is op aanbeveling van die argitek geteken met 'n ingenieur, mnr Stewart Kerr, waarin 'n tabel van beraamde tariewe uiteengesit word.

6.2.4 'n Bourekenaar, Mnr Alan Shaw, is ook aangestel op aanbeveling van die argitek.

6.2.5 Die behoeftes van 350 vierkante meter kantoorruimtes asook van 'n saal waar ten minste 200 mense om tafels gehuisves kan word, is met die argitek bespreek. Verskeie moontlikhede is bespreek met die opdrag

- dat die argitek met die mees koste-effektiewe moontlikheid sal terugkom.
- 6.2.6 Moontlikhede was: een of twee vloere met kantoorruimtes bokant die huidige kantore, 'n vloer bokant die portaal, 'n nuwe gebou aan die agterkant en sykant van die sentrum en ook die verandering van die huidige sinodesaal.
- 6.2.7 Aanvanklike planne vir een vloer kantoorruimtes bokant die huidige kantore en 'n saal aan die sykant van die gebou is deur die argitek as die beste opsie aan die werkgroep voorgedra, waarna kleiner wysigings deur die werkgroep voorgedra is.
- 6.2.8 Gewysigde planne is ontvang. Hierdie planne sal tydens die vergadering ter insae beskikbaar wees.
- 6.2.9 Die bouekenaar het 'n kosteberaming gedoen met verskeie opsies: een of twee vloere op, 'n vloer bokant die portaal, 'n saal met of sonder parkering onder grondvlak.
- 6.2.10 Die verskillende opsies wat die Werkgroep oorweeg het, is die volgende:
- 6.2.10.1 Bou twee vloere op plus 'n sinodesaal. Koste: R15,256,365.
- 6.2.10.2 Bou een vloer op plus 'n sinodesaal. Koste: R10,484,597.
- 6.2.10.3 Bou twee vloere op sonder 'n sinodesaal. Koste: R11,126,878.
- 6.2.10.4 Bou een vloer op sonder 'n sinodesaal. Koste: R6,940,784.
- 6.2.10.5 Bou slegs 'n sinodesaal. Koste R2,764,315.
- 6.2.10.6 Bou een vloer kantoorruimtes bokant die portaal. Koste R2,291,100 (die argitek het egter 'n paar besware teen hierdie opsie).
- 6.2.10.7 Bou een vloer kantoorruimtes bokant die portaal plus die sinodesaal. Koste: R6,522,336.
- 6.2.11 Die lewensvatbaarheid van elkeen van die opsies is getoets met die volgende veranderlikes: maandelike huur, jaarlikse eskalering van huur asook rentekoerse.
- 6.2.12 'n Vergadering is weer gehou met die PCB om die bouplanne aan hulle voor te lê en om finale behoeftes en 'n maandelike huurooreenkoms met hulle te bevestig. Hulle het toe aangedui dat hulle weer gedink het oor hulle behoeftes en besluit het 100 vierkante meter sal genoeg wees vir kantoorruimtes.
- 6.2.13 Die PCB voel baie sterk daarvoor dat hulle die konferensiefasiliteite wil bestuur om daardeur 'n ekstra inkomste te verkry. Daar is ooreengekom dat hulle dit kan doen indien hulle 'n huur betaal wat nie minder sal wees as die huidige wins wat gemaak word nie en dat hulle daarna 50% van die wins sal oort betaal as huur.
- 6.2.14 Die SOK Dagbestuur het egter besluit dat hulle liever self die konferensiefasiliteite wil bestuur omdat dit voordeliger vir die kerk kan wees, veral as daar 'n nuwe bedeling rondom die spysenering kan kom.
- 6.2.15 Die behoefte aan bykomende kantoorruimtes was aanvanklik (toe die ondersoek begin is) ongeveer 350 vierkante meter, maar het nou verminder na slegs 100 vierkante meter omdat die CMD waarskynlik nie geld gaan kry van die Lotto nie.
- 6.2.16 Mnr Terry Thompson, 'n eiendomsagent, is gevra om nog huurders vir kantoorruimte te soek. Daar is tot op datum wel belangstelling, maar nog geen definitiewe huurder het nog na vore gekom nie.
- 6.2.17 Die werkgroep het ook ondersoek gedoen na wie die ontwikkeling moet doen, die NG Kerk van Natal (wat die eienaar van die eiendom is) of Natal Sinode Eiendom (NSE, wat die besigheid rondom die gebou bestuur). Daar is baie wettlike aspekte betrokke.
- 6.2.18 'n Rekenmeester wat spesialiseer in OWO's (Openbare Weldaadsorganisasies) , mnr Anton Mitchell, is geraadpleeg. Hy het aanbeveel dat NSE ontbind word (omdat wetgewing oor die vrystelling van kerke intussen verander het), dat die NG Kerk in KZN die besigheid oorneem en op die wins (indien enige) belasting betaal en dat die NG Kerk in KZN vir BTW registreer (omdat die omset van die verhuur meer is as die bedrag wat vrygestel is van BTW).
- 6.2.19 Die advies van die Sinode se eie ouditeur, mnr Stoffel Bothma, is ook ingewin. Hy het na ondersoek ook aanbeveel dat dit in die beste belang van die Sinode sal wees indien al die besigheid deur die Sinode bedryf sal word.
- 6.2.20 Die Direksie van NSE en die SOK Dagbestuur het toe besluit dat die NSE op versoek van die CMD aan hulle oorgedra word en dat alle besigheid in die toekoms in die naam van die Kerk gedoen sal word.

### 6.3 Aanbevelings

- 6.3.1 Die SOK DB het besluit om voorlopig drie maandelike scenarios aan die Sinode voor te hou. Die volle SOK vergader op 8 Oktober en sal maandelik 'n aanbeveling maak oor

hulle voorkeur scenario. Die scenarios is soos volg:

- 6.3.1.1 **Scenario 1:** Handhaaf die status quo.
- 6.3.1.2 **Scenario 2:** Bou een vloer op plus 'n sinodesaal.
- 6.3.1.3 **Scenario 3:** Bou slegs 'n sinodesaal.

6.3.2 Die volgende aannames is gemaak vir die berekening van die lewensvatbaarheid van scenarios 2 en 3:

- 6.3.2.1 Huurinkomste per vierkante meter van die kantore: R80 pm.
- 6.3.2.2 Huurinkomste van funksiesaal: R15,000 pm.
- 6.3.2.3 Spyseneringsinkomste wat gebruik kan word om die projek te help finansier: R7,700 pm.
- 6.3.2.4 Eskalاسie van inkomste: 9% pj.
- 6.3.2.5 Rentekoers betaalbaar: 9.5% (Primakoers min 4%).

6.3.3 Die syfers lyk soos volg:

|            | <b>Aanvanklike leningsbedrag</b> | <b>Jare totdat kapitaaldelging begin</b> | <b>Hoogste leningsbedrag</b> | <b>Persentasie van styging van lening</b> | <b>Jare tot kapitaal gedelg is</b> |
|------------|----------------------------------|--|------------------------------|---|------------------------------------|
| Scenario 2 | R10,484,597                      | 6  | R11,558,679                  | 10,2%                                     | 16,75                              |
| Scenario 3 | R2,764,315                       | 0  | R2,764,315                   | 0%  | 12,3                               |

- 6.3.4 **Aanbeveling: Die Sinodevergadering kies tussen scenario 1, 2 of 3.**
- 6.3.5 **Aanbeveling (indien 2 of 3 gekies word): Die Sinodevergadering besluit om die bouprojek te befonds uit die Reserwefonds en dat rente van primakoers min 4% gehef word op die lening.**
- 6.3.6 **Aanbeveling (indien 2 of 3 gekies word): Die Sinodevergadering gee aan die SOK volmag om 'n boukommissie aan te stel en om die bouprojek af te handel.**

*hierdie wysiging met 'n tweederdemeerderheid goedgekeur het en die Algemene Sinode daarna met 'n tweederdemeerderheidstem ten gunste daarvan besluit het).*

- 44.2 Artikel 44.1 en 44.2 word gewysig nadat elke sinode afsonderlik met 'n tweederdemeerderheidstem ten gunste daarvan besluit het en die Algemene Sinode daarna met 'n tweederdemeerderheidstem ten gunste daarvan besluit.
- 44.3 Die Algemene Sinode mag, met uitsondering van Artikel 44.1 en 44.2, die Kerkorde wysig of aanvul met 'n tweederdemeerderheidstem.
- 44.4 Sake in verband met leertug, leergeskillen of geskille tussen sinodes en mindere vergaderinge kan by wyse van appèl voor die Algemene Sinode dien. In gevalle van leertug en leergeskillen word 'n tweederdemeerderheidsbesluit vir die bekragtiging van die uitspraak van die Algemene Sinode vereis (vgl Artikel 65.2).
- 44.5 Indien 'n tweederdemeerderheid nie verkry word nie, mag enige van die partye 'n verdere beroep op die afsonderlike sinodes doen. Die gesamentlike volstremte meerderheid van stemme van die afsonderlike sinodes is dan beslissend.

## 7. ART 44.1

- 7.1 Elke Sinode moet die nuwe Art 44.1 met 'n tweederde meerderheid goedkeur voordat dit van krag word.
- 7.2 Die volle Art 44 word hieronder ter wille van duidelikheid aangehaal:

### **Artikel 44**

44.1 Die wysiging van die Belydenis kan alleen geskied nadat elke sinode afsonderlik met 'n tweederdemeerderheid ten gunste daarvan besluit het.

#### **Nuwe 44.1**

44.1 *Die wysiging van die Belydenis kan alleen geskied nadat elke sinode afsonderlik met 'n tweederdemeerderheid én twee derdes van alle kerkrade elk met 'n tweederdemeerderheid ten gunste daarvan besluit het.*

*(Die nuwe 44.1 word van krag nadat al die sinodes*

**7.2.1 Aanbeveling: Die Sinodevergadering keur die nuwe Art 44.1 goed, nl**

**7.2.1.1 44.1 Die wysiging van die Belydenis kan alleen geskied nadat elke sinode afsonderlik met 'n tweederdemeerderheid én twee derdes van alle kerkrade elk met 'n tweederdemeerderheid ten gunste**

*daarvan besluit het.*

## **8. SINERGERINGSVERGADERING**

8.1 Die lede van die verskillende sinodale kommissies en werkgroepe vergader op 8 Oktober ter wille van sinergering.

8.1.1 **Aanbeveling: Die Sinodevergadering behandel moontlike aanbevelings uit die sinergeringsvergadering.**

## **9. AFSLUITINGSLITURGIE**